

四部叢刊初編集部

小畜外集

存七卷

據商務印書館一九二六年版重印

四部叢刊初編（一三三）

王黃州小畜集
宋王禹偁撰

王黃州小畜外集
宋王禹偁撰

上海書店印行

上海福州路四二四號

上海影印廠印刷

小畜外集序

或謂言不若功。不若德是不然也。夫見于行事之謂德。推以及物之謂功。二者立矣。非言無以述之。無述則後世不可見。而君子之道幾乎熄矣。是以紀事述志必資乎言。較于事為其貫一也。自昔能言之類。世不乏賢。若乃德與功偕。文備於道。嘉謨讜論。見信于時。主遺風餘烈。不泯于將來。有若故翰林學士尚書刑部郎中贈禮部尚書鉅野王公者。幾希矣。公諱禹偁。字元之。生知好學。九歲能詩。與郡從事故相畢文簡公為唱酬之友。及策名從事中書。令趙韓王薦其文章。太宗皇帝既已知名。命召試中書宸筆。賜題詔。臣寮和御製雪詩序。奏篇稱善。自大理評事擢

右拾遺直史館賜緋魚犀帶以寵異之端拱二年親試貢
士俾公面賦長歌 上覽而喜曰以不踰月當遍天下一
日侍宴瓊林宣至膝前顧謂宰相曰王某一朝名士獨步
當代異日垂名不朽矣公嘗謂遭知己之主非盡言無以
報稱故自登文館至陟禁林知無不聞入則以告 兩朝
獻替一節始終由是聖君以忠亮待之士論以公卿薦之
然而襟抱冲夷鋒氣高邁直躬行已不為時屈 上知其
然使宰執喻旨戒以容物而憤懣所激不能自已三坐左
官皆以直道因作三黜賦以見志有不屈于道百謫何虧
之句此其見于行事之深切者也雍熙中林胡內侵邊警
未艾公援漢文君臣單于事勸 上內修德而外任人若

勞民以事邊則寇在內而不在外矣于時京畿旱亢奏省
乘輿服御暨紫雲工巧之技第減百官月俸願以已先稍
贖尸素之罪在章聖時應直言詔亦以通虜好赦李遷
為請復議減冗兵吏以寬租賦親大臣遠小臣以重國體
艱難選舉以清士流澄汰僧尼以除民蠹增州郡武備以
防窺竊推天官洪範以弭災變皆切于時宜有裨朝論未
幾臨潢講和平夏對策息民罷兵省費除幣多公先識之
所啓發此其推以及物之著明者也前後三直西掖一入
翰林辭詰深純得裁成制置之體冊命莊重兼典謨訓語
之文端拱箴切劘上躬待漏記規儆時率上三賢疏推原
前代之失不異方今請東封賊前知盛德之事必行聖代

議論書序理極精微詩歌贊頌義專比興雖在燕閒或罹
憂患凡有論議未嘗空言此其紀事述志之尤最者也惟
公道直行果既如彼主知人望又如此若天假之年久于
是位則經國致君之業必大施于當時豈待言而後顯惜
乎壽不及知命官止于省郎卒不得究其懷蘊此所以發
而為文章著見于後者也公之亡也天子嗟悼賻家卹
後恩踰常比嗣子嘉言擢祥符進士上以詞臣之裔特
遷大理評事以祿其親曾孫汾第皇祐甲科以免解法當
降等仁宗閱卷首見公名嘉其有後特賜元第未幾考
課上猶記前事命加秩一級今為朝議大夫集賢校理
諸王府翊善茲以見文學行誼足以垂裕後昆則夫戚孫

不朽之言信于是矣公之屬藁晚年手自編綴集為三十卷命名小畜蓋取易之懿文德而欲已之集大成也後集詩三卷奏議集三卷承明集十卷五代史闕文一卷並行于世而遺文墜簡尚多散落集賢君購尋衰類又得詩賦碑誌論議表書凡二十卷目曰小畜外集因其名所以成先志也謂僕嘗學舊史前言徃行多得其詳見詔序引久不獲辭竊謂文章末流由唐季涉五代氣格摧弱淪于鄙俚國初屢有作者留意變風而習尚難移未能復雅至公特起力振斯文根源于六經枝派于百氏斥浮偽去陳言作而述之一變于道後之東筆之士學聖人之言由藩牆而踐突奧繫公為之司南也集賢君力學名家克大門閥

振其絕業傳於無窮又足以總紀事述志之美也不其偉
與

負懷華一句無

不知鳴玉谿山下何似仙娥水石間免被尋常桃李妬自

開自落隱商山

鳴玉谿忠州木蓮花生處

和仲咸除知郡後雨中戲

士

明代何人為薦雄專城猶與衆人同徒聞清政如黃霸尚
借緋衫似白公我有金章知是忝君無銀槓信為窮

白公詩云

銀槓長隨亦不貧

不須厭見隨車雨歲晚當期五穀豐

又和仲咸謔成口號以代優人之句

就轉專城喜氣舒開筵應待雨晴初又淹駁正春坊筆為
重循良刺史車事簡郡齋唯檢藥夜長鈴閣只看書好傾
官醢招閑客籬畔金英尚有餘

移入官舍偶題四韻呈仲咸

賃舍喧卑謫宦情，同年邀我住公庭。
不離鍊藥煎茶屋，便坐吟詩看雪廳。
苔逕乍行侵屐綠，竹窓初卧滿床青。
使君公署雖宏敞，未見南山翠似屏。

副使公字比對山

仲咸借予海魚圖觀罷有詩因和

偶費霜縑與絲毫，海魚圖畫滿波濤。
搢床難死慙龜殼，把酒狂歌憶鱉螯。
鰓炸脚多垂似帶，鋸鈔齒密利如刀。
當一一窮真偽，須把千尋鐵網撈。

贈商洛龐主簿

織女溪前貧主簿，仙娥峰下舊詞臣。
久棲枳棘方茲困，謾帶貂蟬不是真。
七里高山雲簇簇，一條丹水石嶙嶙。
秋來

魂夢應相似同是帝城東畔人

商州進士張齊說將赴春闈以讀別馮中九
馮君酬和予亦次韻繼之

風雪騎驢去八閩試期難伴貳車閑桃花好躍三門浪芝
草休尋六里山錫宴吟春爛漫舊房從鑲石屏顏明年
得意歸來日不見麻衣泣玉斑

再賦一章用伸贈別

七榜御前搜俊造商州終未識遷鶯可憐白屋孤寒士更
住深山寂寞城獨跨蹇驢雲外去仍攜稚子雪中行子生有
十三無家不
託琴之而去散官不敢將書薦空解吟詩說姓名

仲咸見子一百六十韻詩相贈因以四韻答

之來詩云算來是風騷
選好策熟故以用之

李杜壇
答之

勞將詩什比兵權
兵數雖多氣不全
烏合師徒空百萬
虎賁精銳只三千
揚鏡正突漁陽騎
避箭甘面赤壁船
若許英雄君與操
更當劇勵整橐鞬

次韻和仲咸感懷貽道友

莫問窮通事若何
遇花逢酒且狂歌
人情易逐炎涼改
官路難防陷穽多
只合收心拋世網
不須推命說天羅
如今玉石休分別
免被無辜刑卞和

好齊生死與窮通
古往今來事略同
軒后謾留燒藥鼎
漢皇虛築望仙宮
鑑中容鬢看老夢
裏榮枯旋旋空
不逐冥鴻天外去
可憐焦爛撲燈虫

次韻和仲咸對雪吟三十韻

靜對春天雪時烹月俸茶

劉使傳性茶一色

久閑便

平

澹薄漸老

厭諠譁徒倚終朝看溟濛向曉加應同頭上髮復亂眼中

花光暝侵燈闇聲繁拂竹斜東風吹片片北戶積些些最

豁三農望勾淹百草芽潤勝天上霜媚掩日邊霞史筆應

先紀豐年的不賒舞繁農史袂飄逐使君車善政商於即

優閑副使家酒錢隨分有詩筆且須誇岸灑泉聲好公署南即

水園滋薺色嘉

商於地暖雪中多薺

無心思北闕有興讀南華地隱

商於洛山縣楚興巴

南山東入楚南連巴峽

拖腸甘似鼠盡足不爭

蛇有病如原憲無才敵景差

一云力何反取以叶韻

由來叩寂寞全

勝事驕奢世態誠堪笑前賢亦可嗟絳侯憎賈誼白傳怨

王涯

白公始右贊善敗江州刺史時王涯為中書舍人上言罰太輕不可使為治民官遂再敗司馬終身怨之

及開甘露亭賦詩云當君白首同歸

日是我青山獨往時蓋為涯作也

宣宣終前席潯陽暫

種畬

白公江州詩云歸茅栽芋種畬田

升沉常自得消息一何佳自顧曾

傷翼甘同不食爪但全螻蟻命敢闖虎狼牙竹箭天生直

潢汚地本窪敢云求富貴且免奉姦邪夜黑燈燒樺

高州無油

多燒

樺燭朝飢飯帶砂尚愁紆紫綬豈望署黃麻親壽高如鶴

兒嬌語似鵲時時傾一酌聚口笑嗒呀

春日

門冷官閑似死灰人言今日是春來猶殘舊賜銀幡勝且
向山州當酒杯

問四皓

四塚累累豈是仙
避秦安漢道空全
紫芝探處應辛苦
何似腰金食萬錢

代荅

何必驂鸞上五雲
由來吾道貴全身
君看白日冲霄者
多是偷桃竊藥人

和仲威杏花三絕句

莫道高山節候遲
晚來簾外半空枝
明朝落盡無蜂蝶
冷暖人情我最知

堦前已見三分落
枝上都無十日繁
誰伴多情王副使
以詩傾酒與招魂

老去對花多感嘆
春來耽酒少康寧
也知此事終無益
免

被漁人笑獨醒

知州廳杏花昨日爛漫錄事院今日零落唯
副使公署未開戲題二韻

知州宅畔繁如雪錄事廳前落似梅副使官閑花亦冷至
今未有一枝開

放言詩

元白謫官皆有放言詩著於編集蓋騷人
之道味也予雖才不侔於古人而謫官同
矣因作詩五章章八句題為放言云

集今餘
四首

首章
載正

榮枯禍福轉如輪幽閨難欺有鬼神天上若無司報者世

間爭向不平人夏蟲莫恠冰壺色秋隼休猜月窟身吾道
斯文如未喪且憑方寸託穹旻

賢人維學心無悶君子須知道自消德似仲尼悲鳳鳥聖
如姬旦賦鵠鴉看松好待嚴霜降試玉宜將烈火燒青女
祝融如不黨願分頑石與山

人生唯問道何如得喪升沉總是虛寧可飛鴻隨四皓未
能魚腹葬三閭傳巖偶夢誰調鼎彭澤高歌自荷鋤不向
世間爭窟穴蝸牛到處是吾廬

靜算人間事偶然窮通未必在穹玄關從白馬欺來度救
被青蠅暗裏傳禁樹罷吟紅爛漫江離且詠綠芊緜放言
詩什誰堪贈焚贈微之興樂天